

Delegat Staša Košarac postavio je dva pitanja.

Prvo pitanje upućeno Vijeću ministara BiH glasi:

Tražim odgovor od Vijeća ministara BiH, u pisanoj formi, na pitanje – Koji organ i na osnovu kojeg propisa je odlučio da se rezervni Operativni komunikacijski centar BiH 112 osnuje u Tuzli? Koliko i kojih finansijskih sredstava je uloženo u izgradnju i opremanje Operativno-komunikacijskog centra BiH 112 u Sarajevu i u Tuzli i koliko je finansijskih sredstava s nivoa BiH uloženo u Operativno-komunikacijske centre 112 u RS-u, Federaciji BiH i Brčko Distriktu BiH, kao isključivim nosiocima svih funkcija sistema zaštite i spašavanja, odnosno civilne zaštite, izuzev međunarodne saradnje i međuentitetske koordinacije koju, u skladu s Okvirnim zakonom, treba da obavljaju nadležni organi na nivou BiH, uz potpuno učešće i potpunu saglasnost entiteta i Brčko Distrikta BiH?

Drugo pitanje upućeno Tužilaštvu BiH glasi:

Tužilaštvo BiH je 2006. godine iz Okružnog tužilaštva Istočno Sarajevo izuzelo predmete koji su veoma važni i koji interesiraju javnost u RS-u, a riječ je o predmetima ubistava Riste Jugovića, Srđana Kneževića i Željka Markovića.

Javnost Republike Srpske i porodice ubijenih već osam godina očekuju da Tužilaštvo BiH procesuiru one koji su izvršili ubistva i one koji su naredili takva krivična djela. Tražim odgovor na pitanje kada će Tužilaštvo riješiti ove predmete?

Naglašavam da ovo pitanje nema karakter političkog pritiska na pravosudne institucije u BiH.